

# କୁଲମିକି ପାଞ୍ଚଲ ରାଢ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଢ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣାଟି ରାସ୍ତାକି ଆହାମାନେ ୧:୧ । ତେସଲନିକି ମୂଲୁ ଆକୁ ରାଡ଼ିତି ଏଚରଦିନା ତାୟୁ ଇଚିହିଁ କ୍ରୀସ୍ତ ଜାର୍ନାଆଡ଼ି ୫୧ ବାର୍ଷା ତାୟୁ ଇ ଆକୁ ରାସ୍ତାକି ଆହାମାନେ । ଏଚିବେଲାତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହିଁକିଁ ପୁନାଆନା ତାମି ଅଣପୁତା କିଲିବିଲି ଆହିମାଚେରି । ଏଞ୍ଜାରି ତାମ୍ବ କ୍ରିଷ୍ଟିତି କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଢ଼େମି କିହିମାଚେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇଚିହିଁ କ୍ରୀସ୍ତ ଖାଆ ନଚେଏ ହାରେକା ଲାଗେଏ ପଲେଏ ଆହିମାଚେ, ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଡ଼ିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆଚ୍ଛିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଡ଼ିମାନେସି ।

## ପତିତା ମାନାୟି

୧. ପାଞ୍ଚଲ ତାଙ୍ଗେ ଅଡ଼େ ତାନି ଆଚ୍ଛିତାରାଇଁ ପୁଶ୍ଟିକିନାୟି । ୧:୧-୨
୨. ତେସଲନିକି କୁଲମିତାକି ଜହରା ଅଡ଼େ ପ୍ରାତାନା । ୧:୩-୧୨
୩. ରାନି ଦିନାତି କାତା । ୨:୧-୧୭
୪. ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି । ୩:୧-୧୫
୫. କୁଲମିତି ଜହରା କିହାନା ଆକୁତି ରାପ୍ନାୟି । ୩:୧୬-୧୮

୧ ☆ପାଞ୍ଜୁଲ, ସିଲ୍ଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଡ଼ିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମୋହନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

**ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି**

୩ ଏ ମା ତାୟିୟା ଅଡ଼େ ତାଙ୍ଗିସ୍ମାତେରି ମୀ ତାକି ମାମ୍ବୁ ରୁରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାଡ଼ାଆହିମାନେ । ୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ବୁ ମାହାପୁରୁ କୁଲମିକାଣା ମିଙ୍ଗେ ତାକି ବତପଣ ଆହିମାନମି ।

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହେଁ ନୀହାୟିତି ପାରମାଣା । ୬ ଏଚିବେଲା ମିଙ୍ଗେ କସ୍ତ ହୀହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହୀନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହେଁ କାତା; ୭ ଇଚିହେଁ ପ୍ରବୁ ଜୀସୁ ଏଚିବେଲା ଜାହାରା ବାଡ଼ୟୁ ଗାଟି ଦୁରୁୟା ତଲେ ଡ଼ାଞ୍ଜି ମାନି ହିରୁ ଗୁଦୁଞ୍ଜା ତଲେ ଲାକପୁରୁତି ତଞ୍ଜାଆନେସି । ୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହେଁ କାରୁ ମାନୁଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲା ତଣ୍ଡ ହୀନେସି । ୯ ଇଚିହେଁ, ଆମିନି ଦିନା ଏଞ୍ଜାସି ଜାହାରା ଦାମ୍ବୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଖାନେସି । ଇଚିହେଁ ମୀରୁ ମାମ୍ବୁ ହୀହାମାଞ୍ଜାନି ସାକିତି ନାମାମାଞ୍ଜେରି । ୧୦ ଏ ଦିନା ଏଞ୍ଜାରି ତଣ୍ଡ ବେଟାଆନେରି, ଇଚିହେଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୟୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

---

☆ ୧:୧ ୧:୧ କାମା ୧୭:୧

୧୧ ଏଦାଆଁତାକି ମା ମାହାପୁରୁ ଏନିକି ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକି ନାମୁତି ବାରେ କାମା ନେହିକି କିହାଲି ଆଡିଦେରି । ୧୨ ଏଲେଆଡିହି ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଝୁରମି ଆରେ, ଅଡେ ମୀରୁ ତାନିତାଣାଟି ଗାଝୁରମି ବେଟାଆଡେରି ।

## ୨

### ଲାଗେଏଡି ମାଣସି

୧ ✨ତାୟିୟା ଅଡେ ତାଙ୍ଗିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡେ ମାର ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି । ୨ ପ୍ରବୁତି ଦିନା ଏଗାଝାଡେୟିଏ ଇଞ୍ଜିହି ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜି ଅଶ୍ଵାନା ଆମିନି ଆକୁ ତଲେ ଗାଡେକେଏ ଗୁଟା ଆଆଦୁ କି କିଲିବିଲି ଆଆଦୁ । ୩ ଆମ୍ବାଆସି ଏନିକିହି ଜିକେଏ ମିଙ୍ଗେ ନାଡି କିୟାଆପେସି, ଏନାଆଁତାକି ଇଚିହି ମୂଲୁଏ ଦାମ୍ବୁ ବିତ୍ରା ଗଡ଼ହା ଆରେ, ଅଡେ ନାସାକିନି ଦାମ୍ବୁ ହିଲାଆ ମାଣସି ତଞ୍ଜା ଆନାୟି ମାନେ, ଆଆତ ପ୍ରବୁତି ଦିନା ଖାଏ । ୪ ଇଝାସି ଏ ଦାମ୍ବୁ ହିଲାଆଗାଟି ମାଣସି ପୂଜା ବେଟାଆହିମାନି ପେଶ୍‌କା କି ମାହାପୁରୁ କପାଟି ନିଜିନେସି ଅଡେ ବାରେଡି କିହାଁ ଜାହାରାଇଁ ହାରେକା ଗାଝୁରମି କିହାକତିନେସି, ଇଲେକିହି ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି ।

୫ ମୀରୁ ଏଦାଆଁ ଅଶ୍ଵପି ହିଲଅତେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଖେସାମାଞ୍ଜାତେଏଁ । ୬ ତାରିକିହା ମାନି ଦିନା ଏଝାସି ତଞ୍ଜାଆରେସି, ଆଡିଜିକେଏ ତାନୁ ଖାନାଣି ଏନାୟି ଆଜିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୭ ଏ ପାପୁତା ତୁଗୁମାନି ବାଡ଼ୁନୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଜ୍ଞା ମାନାସି ଗୁଟା ଆଆପାତେକା ଖାଏ ।

✨ ୨:୧ ୨:୧ ୧ତେସ ୪:୧୫-୧୭

୮ ଏଚିବେଲା ଲାଗେଏତି ଜୀଝୁଗାଟି ମାଣ୍ଠି ତଞ୍ଜାଆନେସି, ଏଝାଣାକ୍ ପ୍ରବୁ ଜୀସୁ ଗୁଡିଟି ହନି ଉକଅଡି ତଲେ ପାୟିନେସି ଇଞ୍ଜା ତାନୁ ୱେଣ୍ଟେ ୱାନାଟି ତଞ୍ଜାଆନି ଉଜେଡି ତଲେ ନାସା କିନେସି । ୯ ସୟତାନତି ବାଡ଼ୁୟୁ ହାପକି ଆହାମାନି ଲେହେଁ ବାରେଲେହେଁତି ମିଚିତି ବାଡ଼ୁୟୁ, ସିନା ଇଞ୍ଜା କାବାଆନି କାମା, ଅଡେ ନାସା ଆହିମାନି ଲକୁତାଣା ବାରେଲେହେଁତି ଦାମ୍ବୁ ନାଡି କିନାଆଁ ତଲେ ଲାଗେଏତି ମାଣ୍ଠି ୱାନେସି, ୧୦ ଇଞ୍ଜା ନାସା ଆନାରାକ୍ ବାରେଲେହେଁତି ଲାଗେଏ ଗାଟି ନାଡିକିନି କାମା କିନେସି, ଏନାଆଁତାକି ଇଚିହୁଁ ଗେଲ୍ପିଆୟାଲି ସାତାତି ଜୀଝୁ ନଆନା ଅପାଆଗାଗାରି ନାସା ଆନେରି । ୧୧ ଇଦାଆଁତାକି ଏଝାରି ଏନିକିଁ ମିଚିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡିକିନି ବାଡ଼ୁୟୁ ପାଣ୍ଡାମାଞ୍ଜାନେସି । ୧୨ ଏନିକିହୁଁ ଆମ୍ବାଆରି ସାତାତି ନାମାଆନା ଦାମ୍ବୁ ହିଲାଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ଡଣ୍ଡ ବେଗାଆନେରି ।

### ଗେଲ୍ପିଆୟାଲି ହାଟ୍‌କି ଆହାମାଞ୍ଜେରି

୧୩ ମା ପ୍ରବୁତି ଜୀଝୁତି ତାୟିୟାଁ ଅଡେ ତାଜିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁକ୍ ଜହରା କିନାୟି ମା କାମା, ଏନାଆଁତାକି ଇଚିହୁଁ ମାହାପୁରୁ ଜୀଝୁତି ସୁଦୁ ଇଞ୍ଜା ସାତାତି ନାମୁତଲେ ଗେଲ୍ପି ଆହାଲି ମିଙ୍ଗେ ମୁଲୁତି ପାଡେୟିଲେଁ ବାଟି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଝାସି, ମାମ୍ବୁ ୱେକ୍‌ହାମାନି ନେହୁଁ କାବୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଝୁରମି ବେଗାଆହାଲି ମିଙ୍ଗେ ହାଟାମାଞ୍ଜାନେସି । ୧୫ ଏଲେଆହୁଁଏ ଏ ମା ତାୟିୟାଁ ଅଡେ ତାଜିସ୍ତାତେରି ତାରିଆହାଁ ମାଞ୍ଜୁ, ଅଡେ ମାମ୍ବୁ ୱେସ୍ତାଡି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଟେ ଆସାଁ ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡେ ମା ଆବା ମାହାପୁରୁ ଅଡେ ମାଙ୍ଗେ ଜୀଝୁନହାଁନା ତାନି କାର୍ମାଟି କାଲ୍‌କାଲ୍‌କାତି ସାସା ଅଡେ ନେହୁଁ ବାସ୍ତୁ ହାହାମାଞ୍ଜାନେସି । ୧୭ ଏଝାସି ତାନୁଏ ମୀ ହିୟାଁ ସୁସ୍ତି ହାହାଁ ମିଙ୍ଗେ ବାରେଲେହେଁତି ନେହୁଁ କାମା ଇଞ୍ଜା ବଲୁତା ତାରିକିୟାପେସି ।

## ୩

### ମାତାକି ପ୍ରାତାନା କିଦୁ

<sup>୧</sup> ବାରେଡି ତାୟୁ, ଏ ମାତାୟିୟା ଅଡେ ତାଙ୍ଗିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକି ପ୍ରବୁତି ନେହୁ ବଲୁ ମୀ ତାଣା ଆଡି ଲେହେ ବାରେଖାକି ଝେଙ୍ଗା ହାଜାନା ଗାସ୍ତୁରମି ପାଣ୍ଡନେ, <sup>୨</sup> ଅଡେ ଏନିକି ମାୟୁ ରୁଦି ହିଲାଆ ଗାଟାରି ଅଡେ ଦହଗାଟାରି ତାଣାଟି ଗେଲ୍ପି ଆନମି, ଏନାଆଁତାକି ଇଚିହୁ ବାରେ ତାଣା ନେହୁ ବଲୁ ନାମା ହିଲଅରି ।

<sup>୩</sup> ସାମା ପ୍ରବୁ ଚିକାଣାତାସି, ଏଞ୍ଜାସି ମିଙ୍ଗେ ତାରି କିହାନା ଲାଗେଏ ପଲେଏ ତାଣାଟି ଗେଲ୍ପାଦେସି । <sup>୪</sup> ମାୟୁ ମିଙ୍ଗେ ଏନିକି ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡେ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟ୍ଝା ନାମୁ ମାନେ ।

<sup>୫</sup> ଅଡେ ପ୍ରବୁ ମୀ ହିୟାତି ମାହାପୁରୁତି ଜୀସୁ ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି ସାରେମି କିୟାପେସି ।

### ବାରେଜାଣା କାମା କିନାୟିମାନେ

<sup>୬</sup> ଏ ମାତାୟିୟା ଅଡେ ତାଙ୍ଗିସ୍ତାତେରି, ମାୟୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାୟୁ ମିଙ୍ଗେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମାତାଣାଟି ଜାପାମାନିଲେହେ ମାଣ୍ଡକିତା ମାନାଆନା ନିସ୍ତା ତଲେ ନୀଡିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟ୍ଟକା କିଦୁ । <sup>୭</sup> ଇଚିହୁ ମାୟୁ ଏନିକି କିହି ମାଟମି ଏଲେକି ମୀରୁଞ୍ଜା କିନାୟିମାନେ, ଏଦାଆଁ ମୀରୁ ମୀରୁଏ ନେହୁକି ପୁଞ୍ଜାମାଞ୍ଜେରି, ଏନିକି ମାୟୁ ମୀ ତାଣା ନିସ୍ତା ତଲେ ନୀଡି ହିଲାଆତମି । <sup>୮</sup> ମାୟୁ ଉଜେଏ ଆମ୍ବାଆରି ରାନ୍ଦା ଡିଞ୍ଜି ହିଲାଆତମି, ସାମା ମିଙ୍ଗେ ବଲୁ ଆଆପେଞ୍ଜା ଇଞ୍ଜି ଲାଆଁ ମାଦେନା ଝାହୁରାଡା ଅଡେ କସ୍ତତଲେ କାମା କିହି ମାଟମି; <sup>୯</sup> ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକି ମୀରୁ, ମାୟୁ କିହିମାଟିଲେହେ କିଦେରି; ଇଦାଆଁତାକି ମାୟୁ ମୀ ନକିତା ଜାହାରାଇଁ ନେହୁ ମାଣ୍ଡକି ତସାଲି ତାକି ଏଲେକିତମି । <sup>୧୦</sup> ଇଚିହୁ ମୀ ତଲେ ମାୟୁ ମାତାଟି

ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଝାସି ରାନ୍ଦା ଜିକେଏ ତିନାଆପେସି ।”

୧୧ ଇଚିହିଁ ମୀ ତାଣା ଏଚେକା ଲକୁ ନିସ୍ତା ତଲେ ନୀଡ଼ିମାଞ୍ଜେରି ଇଞ୍ଜା ଏଝାରି ଏନି କାମା କିଆନା ଉଜେ ଉଜେଏ ଏଟକା ଲକୁତି କାତା ଅଣ୍ପିମାନେରି, ଇଞ୍ଜା ମାମ୍ବୁ ଚୁଝଞ୍ଜାମାନମି । ୧୨ ଇଲେତାରାଇଁ ନେହିଁ ଆହିଁ ନୀତାଲି ଅଡେ ତାମି ରାନ୍ଦା ତାମ୍ବୁ ନେହିଁ ଅଣ୍ପୁ ତଲେ କାମା କିହାଲି, ମାମ୍ବୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡେ ହୁକୁମି ହୀହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡେ ତାଞ୍ଜିସ୍ତାତେରି ମୀରୁ ନେହିଁ କାମା କିୟାଲି ଏଚେଲାଝା ଝାହାଆଦୁ । ୧୪ ଇ ଆକୁତା ମାମ୍ବୁ ରାଚାମାନାଣି ଆମ୍ବାଆସି ମାନଝି ଆଅସି, ଏଝାଣାଇଁ ଗୁରି କିଦୁ, ଅଡେ ଏଝାସି ଏନିକିଁ ଲାଜା ବେଟା ଆନେସି, ଏଦାଣିତାକି ଏଝାଣିତଲେ ଆଣ୍ଡାଆଦୁ; ୧୫ ଆଡ଼ିଜିକେଏ ଏଝାଣାଇଁ ସାତୁ ଲେହେଁ ମେହିଆଦୁ, ସାମା ଏଝାଣାଇଁ ତାୟିଲେହେଁ ମେସାନା ସେଡନା ହୀଦୁ ।

### ଆକୁତି ରାପ୍ତନି କାତା

୧୬ ହିଡ଼ି ଜୀଝୁହୀନି ପ୍ରବୁ ତାନୁଏ, ବାରେବେଲା ଅଡେ ବାରେ ଝାକିଟି ମିଙ୍ଗେ ହିଡ଼ି ହିୟାପେସି । ପ୍ରବୁ ମୀ ବାରେଜାଣା ତଲେ ମାନାପେସି । ୧୭ ନାନ୍ତୁ ପାଝୁଲତେଏଁ, ନା କେୟୁତଲେ ରାଚାନା ଜୀଝୁତି ଜହରା କିହିମାଞ୍ଜାଇ; ନା ବାରେ ଆକୁତା ନା ସିନା ହୀନି ଲେହେଁ ରାଚିମାଞ୍ଜାଇଁ, ନା ରାଚିନାୟି ଏଲେତାୟି ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହିନାୟି ବାରେତେରି ମିଙ୍ଗେ ଆୟାପେ ।

## ପୁସ୍ତକ ଫେରା

# The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

## ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33